

**MISSAE
SANCTORUM
NOVISSIMAE
CELEBRANDAE IN
CIVIT. ET DIOEC...**

Chiesa cattolica



Universitäts- und
Landesbibliothek Bonn

MISSÆ SANCTORUM NOVISSIMÆ

CELEBRANDÆ IN CIVIT. ET DIOEC. NEAP.

Die 19 Januarii

IN FESTO TRANSLAT. RELIQUIAR.

S. THOMÆ AQUINATIS

CONF. ET ECCL. DOCT.

NEAP. CIVIT. PATR. MIN. PRINC.

Missæ ut in festo die VII Martii, præter sequentes Orationes proprias.

Oratio

Veniat super nos, quaesumus, omnipotens Deus, Spiritus ille sapientiae et intellectus, quo beatum Thomam Confessorem et Ecclesiae tuae Doctorem ad tuendam et illustrandam Catholicam fidem replere dignatus es: et concede; ut cuius hodie Translationem collimus, ejus caelestis magisterio edocti, et exemplis roborati, pro Fide strenue decertantes, cum ipso coronemur in caelis. Per Dominum.

Secreta

Ad hanc sacram mensam, quam increata Unigeniti tui Sapientia nobis apponit, fac nos, Domine Deus, eo mentis fervore, eaque corporis et animae puritate accumbere, quibus Angelicus Doctor, dum in terris ageret, accedebat; ut pravam mundi sapientiam despicientes, ad caelestem appetendam ejus monitis et exemplis incitemur. Per eundem.

Postcommunio

In hac sacra festivitate Angelici Doctoris Sancti Thomae, aquam sapientiae salutaris, qua ipse in terris avide reficiebatur, in ipso fonte degustavimus:

praesta, quaesumus, misericors Deus; ut ejus intercedentibus meritis, sit nobis fons aquae vivae salientis in vitam aeternam. Per Dominum.

Die 9 Februarii

S. CYRILLI EP. ALEXANDRINI

CONFESSORIS ET ECCLESIAE DOCTORIS

Missæ In medio, de Communi Doctorum, præter Orationes sequentes. Et dicitur Credo.

Oratio

Deus, qui beatum Cyrillum Confessorem tuum atque Pontificem divinae maternitatis beatissimae Virginis Mariae assertorem invictum effecisti: concede, ipso intercedente, ut qui vere eam Genitricem Dei credimus, matera eiusdem protectione salvemur. Per eundem Dominum.

Comm. S. Apolloniae V. et M. ut in Missali, hac die.

Secreta

Munera nostra, omnipotens Deus, benignus respice; et intercedente beato Cyrillo, praesta, ut Unigenitum tuum Jesum Christum Dominum nostrum in tua tecum gloria coaeternum, in cordibus nostris digne suscipere mereamur: Qui tecum vivit et regnat.

Postcommunio

Divinis, Domine, relecti mysteriis, Te supplices deprecamur, ut exemplis et meritis beati Cyrilli Pontificis adiuti, sanctissimae Genitrici Unigeniti tui digne famulari valeamus. Qui tecum.



Die 20 Martii

S. CYRILLI EP. IEROSOLIMITANI
CONFESSORIS ET ECCLESIAE DOCTORIS

Introitus. *Eccli. 15.*

In medio Ecclesiae aperuit os eius :
et implevit eum Dominus spiritu sapientiae et intellectus : stolam gloriae induit eum.

Ps. 91. Bonum est confiteri Domino : et psallere nomini tuo, Altissime.
ŷ. Gloria Patri.

Oratio

Da nobis , quaesumus , omnipotens Deus, beato Cyrillo Pontifice intercedente, Te solum verum Deum et quem misisti Jesum Christum, ita cognoscere, ut inter oves, quae vocem eius audiunt , perpetuo connumerari mereamur. Per eundem Dominum.

Leotio Libri Sapientiae. *Eccli. 39.*

Iustus cor suum tradet ad vigilandum diluculo ad Dominum, qui fecit illum, et in conspectu Altissimi deprecabitur. Aperiet os suum in oratione, et pro delictis suis deprecabitur. Si enim Dominus magnus voluerit, spiritu intelligentiae replebit illum: et ipse tamquam imbres mittet eloquia sapientiae suae, et in oratione confitebitur Domino : et ipse diriget consilium eius, et disciplinam, et in absconditis suis consiliabitur. Ipse palam faciet disciplinam doctrinae suae, et in lege testamenti Domini gloriabitur. Collaudabunt multi sapientiam eius, et usque in saeculum non delebitur. Non recedet memoria eius, et nomen eius requiretur a generatione in generationem. Sapientiam eius enarrabunt gentes, et laudem eius enuntiabit Ecclesia.

Graduale. Ps. 36. Os iusti meditabitur sapientiam, et lingua eius loquetur iudicium.

ŷ. Lex Dei eius in corde ipsius: et non supplantabuntur gressus eius.

Tractus. Ps. 111. Bestus vir , qui timet Dominum : in mandatis eius cupit nimis.

ŷ. Potens in terra erit semen eius: generatio rectorum benedicetur.

ŷ. Gloria et divitiae in domo eius: et iustitia eius manet in saeculum saeculi.

Tempore Paschali omittitur Graduale, et eius loco dicitur :

Alleluia, alleluia.

ŷ. *Eccli. 45.* Amavit eum Dominus, et ornavit eum : stolam gloriae induit eum. Alleluia.

ŷ. *Osee. 14.* Justus germinabit sicut lilium: et florebit in aeternum ante Dominum. Alleluia.

Extra Tempus Paschale.

Graduale. Ps. 36. Os iusti meditabitur sapientiam, et lingua eius loquetur iudicium.

ŷ. Lex Dei eius in corde ipsius: et non supplantabuntur gressus eius.

Alleluia, Alleluia.

ŷ. *Eccli. 45.* Amavit eum Dominus, et ornavit eum : stolam gloriae induit eum. Alleluia.

✠ Sequentia sancti Evangelii secundum Matthaeum *Matth. 10.*

In illo tempore : Dixit Jesus discipulis suis : Cum persequatur vos in civitate ista, fugite in aliam. Amen dico vobis , non consummabitis civitates Israel, donec veniat Filius hominis. Non est discipulus super magistrum, nec servus super dominum suum. Sufficit discipulo, ut sit sicut magister eius: et servo , sicut dominus eius. Si patrem familias Beelzebub vocaverunt, quanto magis domesticos eius? Ne ergo timeritis eos. Nihil enim est opertum, quod non revelabitur, et occultum, quod non sciatur. Quod dico vobis in tenebris, dicite in lumine : et quod in aure auditis , praedicate super tecta. Et nolite timere eos, qui occidunt corpus, animam autem non possunt occidere : sed potius timeate eum, qui potest et animam et corpus perdere in gehennam. Credo.

Offertorium. Ps. 91. Justus ut palma florebit : sicut cedrus quae in Libano est, multiplicabitur.

Secreta

Respice, Domine, immaculatam hostiam, quam Tibi offerimus: et praesta, ut meritis beati Pontificis et Confessoris tui Cyrilli, eam mundo corde suscipere studeamus. Per Dominum.

Communio. Luc. 12. Fidelis servus et prudens, quem constituit Dominus super familiam suam: ut det illis in tempore tritici mensuram.

Postcommunio

Sacramenta Corporis et Sanguinis tui, quae sumpsimus, Domine Jesu Christe, beati Cyrilli Pontificis precibus, mentes et corda nostra sanctificent: ut divinae consortes naturae effici mereamur. Qui vivis.

Die 14 Aprilis

S. JUSTINI MARTYRIS

Introitus

Ps. 118.

Narraverunt mihi iniqui fabulationes, sed non ut lex tua: ego autem loquebar de testimoniis tuis in conspectu regum, et non confundebar. Alleluja, alleluja.

Psal. ibid. Beati immaculati in via, qui ambulant in lege Domini.

ŷ. Gloria Patri.

Oratio

Deus, qui per stultitiam crucis, eminentem Jesu Christi scientiam beatum Justinum Martyrem mirabiliter docuisti: eius nobis intercessionem concede, ut, errorum circumventionem depulsa, fidei firmitatem consequamur. Per eundem.

Comm. Ss. Tiburtii, Valeriani et Maximi, ut in Missali, hac die.

Lectio Epistolae beati Pauli Apostoli ad Corinthios.

1. Cor. 1.

Fratres: Verbum crucis pereuntibus quidem stultitia est; iis autem qui salvi fiunt, idest nobis, Dei virtus est. Scriptum est enim: perdam sapientiam sapientium, et prudentiam prudentium reprobabo. Ubi sapiens? ubi scriba? ubi conquisitor huius saeculi? Nonne stultam fecit Deus sapientiam huius mundi? Nam quia in Dei sapientia non cognovit mundus per sapientiam Deum, placuit Deo per stultitiam praedicationis salvos facere credentes. Quoniam et Iudaei signa petunt, et Graeci sapientiam quaerunt: nos autem praedicamus Christum crucifixum, Iudaeis quidem scandalum, Gentibus autem stultitiam, ipsis autem vocatis Iudaeis, atque Graecis, Christum Dei virtutem, et Dei sapientiam. Quia quod stultum est Dei, sapientius est hominibus; et quod infirmum est Dei, fortius est hominibus. Ex ipso autem vos estis in Christo Jesu, qui factus est nobis sapientia a Deo, et iustitia, et sanctificatio, et redemptio.

Alleluja, alleluja.

ŷ. *1. Cor. 3.* Sapientia huius mundi stultitia est apud Deum; scriptum est enim: Dominus novit cogitationes sapientium, quoniam vanae sunt. Alleluja.

ŷ. *Ad Philipp. 3.* Verumtamen existimo omnia detrimentum esse propter eminentem scientiam Jesu Christi Domini mei. Alleluja.

Extra Tempus Paschale.

Graduale 1. Cor. 3. Sapientia huius mundi stultitia est apud Deum; scriptum est enim: Dominus novit cogitationes sapientium, quoniam vanae sunt.

ŷ. *Ibid. 1.* Perdam sapientiam sapientium, et prudentiam prudentium reprobabo.

Alleluja, alleluja.

ŷ. *Philipp. 3.* Verumtamen existimo omnia detrimentum esse propter eminentem scientiam Jesu Christi Domini mei. Alleluja.

Post Septuagesimam, omissis Alleluja et versu sequenti, dicitur:

Tractus. I. Cor. 2. Non iudicavi me scire aliquid inter vos nisi Jesum Christum, et hunc crucifixum.

Ÿ. Loquimur Dei sapientiam in mysterio, quae abscondita est, quam praedestinavit Deus ante saecula in gloriam nostram.

Ÿ. Quam nemo principum huius saeculi cognovit. Si enim cognovissent, numquam Dominum gloriae crucifixissent.

✠ *Sequentia sancti Evangelii secundum Lucam. Luc. 12.*

In illo tempore: Dixit Jesus discipulis suis: Nihil opertum est quod non reveletur; neque absconditum quod non sciatur. Quoniam quae in tenebris dixistis, in lumine dicentur, et quod in aurem locuti estis in cubiculis, praedicabitur in tectis. Dico autem vobis amicis meis: ne terreamini ab his qui occidunt corpus, et post haec non habent amplius quid faciant. Ostendam autem vobis quem timeatis: timeate eum, qui postquam occiderit, habet potestatem mittere in gehennam; ita dico vobis, hunc timeate. Nonne quinque passeress veniunt dipondio, et unus ex illis non est in oblivione coram Deo? Sed et capilli capitis vestri omnes numerati sunt. Nolite ergo timere; multis passeribus pluris estis vos. Dico autem vobis: omnis quicumque confessus fuerit me coram hominibus, et Filius hominis confitebitur illum coram angelis Dei.

Offertorium. I. Cor. 2. Non enim iudicavi, me scire aliquid inter vos, nisi Jesum Christum, et hunc crucifixum. Alleluja.

Secreta

Munera nostra, Domine Deus, benignus suscipe: quorum mirabile mysterium sanctus Martyr Justinus adversum impiorum calumnias strenue defendit. Per Dominum.

Comm. Ss. Martyrum.

Communio. II. Tim. 4. Reposita est mihi corona iustitiae, quam reddet mi-

hi Dominus in illa die iustus iudex. Alleluja.

Postcommunio

Coelesti alimonia refecti, supplices te, Domine, deprecamur: ut beati Iustini Martyris tui monitis, de acceptis donis semper in gratiarum actione maneamus. Per Dominum.

Comm. Ss. Martyrum

Die 28 Maji

S. AUGUSTINI EP. ET CONF.

Introitus

Ps. 131.

Sacerdotes tui, Domine, induant iustitiam, et sancti tui exultent: propter David servum tuum, non avertas faciem Christi tui.

Ps. ibid. Memento, Domine, David: et omnis mansuetudinis eius.

Ÿ. Gloria Patri.

Oratio

Deus, qui Anglorum gentes, praedicatione et miraculis beati Augustini Confessoris tui atque Pontificis, verae fidei luce illustrare dignatus es: concede, ut, ipso interveniente, errantium corda ad veritatis tuae redeant unitatem, et nos in tua simus voluntate concordēs. Per Dominum.

Lectio Epistolae beati Pauli Apostoli ad Thessalonicenses. I. Thes. 2.

Fratres: Fiduciam habuimus in Deo nostro loqui ad vos Evangelium Dei in multa sollicitudine. Exortatio enim nostra non de errore, neque de immunditia, neque in dolo, sed sicut probati sumus a Deo, ut crederetur nobis Evangelium: ita loquimur, non quasi hominibus placentes, sed Deo,

qui probat corda nostra. Neque enim aliquando fuimus in sermone adulationis, sicut scitis; neque in occasione avaritiæ: Deus testis est: nec quærentes ab hominibus gloriam, neque a vobis, neque ab aliis; cum possemus vobis oneri esse ut Christi Apostoli: sed facti sumus parvuli in medio vestrum, tamquam si nutrix foveat filios suos. Ita desiderantes vos, cupide volebamus tradere vobis non solum Evangelium Dei, sed etiam animas nostras; quoniam charissimi nobis facti estis. Memores enim estis, fratres, laboris nostri, et fatigationis: nocte ac die operantes, ne quem vestrum gravaremus, prædicavimus in vobis Evangelium Dei.

Graduale. Ps. 131. Sacerdotes eius induam salutari: et sancti eius exultatione exultabunt.

Ÿ. Illuc producam cornu David: paravi lucernam Christo meo.

Alleluia, alleluia.

Ÿ. *Ps. 109.* Juravit Dominus, et non poenitebit eum: Tu es sacerdos in æternum, secundum ordinem Melchisedech. Alleluia.

Temp. Pasch. omittitur Graduale, et eius loco dicitur:

Alleluia, alleluia.

Ps. 109. Juravit Dominus, et non poenitebit eum: tu es sacerdos in æternum, secundum ordinem Melchisedech. Alleluia.

Ÿ. *Eccli. 45.* Amavit eum Dominus et ornavit eum: stolam gloriæ induit eum. Alleluia.

Post Septuagesimam, omissis Alleluia, et versu sequenti, dicitur:

Tractus. Ps. 111. Beatus vir, qui timet Dominum: in mandatis eius cupit nimis.

Ÿ. Potens in terra erit semen eius; generatio rectorum benedicetur.

Ÿ. Gloria et divitiæ in domo eius: et iustitia eius manet in sæculum sæculi.

✠ *Sequentia sancti Evangelii secundum Lucam. Luc. 10.*

In illo tempore: Designavit Dominus et alios septuaginta duos: et misit illos binos ante faciem suam in omnem

civitatem et locum, quo erat ipse venturus. Et dicebat illis: Messis quidem multa, operarii autem pauci. Rogate ergo dominum messis, ut mittat operarios in messem suam. Ille: ecce ego mitto vos sicut agnos inter lupos. Nolite portare sacculum, neque peram, neque calceamenta: et neminem per viam salutaveritis. In quacumque domum intraveritis, primum dicite: Pax huic domui: et si ibi fuerit filius pacis, requiescet super illum pax vestra: sin autem, ad vos revertetur. In eadem autem domo manete, edentes et bibentes quæ apud illos sunt: dignus est enim operarius mercede sua. Nolite transire de domo in domum. Et in quacumque civitatem intraveritis, et susceperint vos, manducate quæ apponuntur vobis: et curate infirmos, qui in illa sunt, et dicite illis: Appropinquavit in vos regnum Dei.

Offertorium. Ps. 88. Veritas mea, et misericordia mea cum ipso: et in nomine meo exaltabit cornu eius.

Secreta

Sacrificium tibi offerimus, Domine, in solemnitate beati Augustini Pontificis et Confessoris tui humiliter deprecantes: ut oves, quæ perierunt, ad unum ovile reversæ, hoc salutari pabulo nutrantur. Per Dominum.

Communio. Matth. 24. Beatus servus, quem cum venerit Dominus, invenerit vigilantem: amen dico vobis, super omnia bona sua constituit eum.

Postcommunio

Hostia salutari refecti, Te, Domine, supplices exoramus: ut eadem, beati Augustini interveniente suffragio, in omni loco nomini tuo iugiter immoletur. Per Dominum.

Die 14 Novembris

S. JOSAPHAT EPISC. ET MART.

Introitus

Gaudeamus omnes in Domino, diem festum celebrantes sub honore beati Iosaphat Martyris; de cuius passione gaudent Angeli, et collaudant Filium Dei.

Psal. 32. Exultate iusti in Domino; rectos decet collaudatio.

ŷ. Gloria Patri.

Oratio

Excita, quaesumus Domine, in Ecclesia tua Spiritum, quo repletus beatus Iosaphat Martyr et Pontifex tuus animam suam pro ovibus posuit: ut, eo intercedente, nos quoque eodem Spiritu moti ac roborati, animam nostram pro fratribus ponere non vercamur. Per Dominum... in unitate eiusdem Spiritus.

Lectio Epistolae beati Pauli Apostoli ad Hebraeos. *Hebr. 5.*

Fratres: Omnis pontifex ex hominibus assumptus, pro hominibus constituitur in ilis, quae sunt ad Deum, ut offerat dona, et sacrificia pro peccatis: qui condolare possit iis, qui ignorant et errant, quoniam et ipse circumdatus est infirmitate: et propterea debet, quemadmodum pro populo, ita etiam et pro semetipso offerre pro peccatis. Nec quisquam sumit sibi honorem, sed qui vocatur a Deo, tamquam Aaron. Sic et Christus non semetipsum clarificavit ut Pontifex fieret: sed qui locutus est ad eum: Filius meus es tu, ego hodie genui te. Quemadmodum et in alio loco dicit: Tu es sacerdos in aeternum, secundum ordinem Melchisedech.

Graduale Ps. 88. Inveni David servum meum, oleo sancto meo unxi eum: manus enim mea auxiliabitur ei, et brachium meum confortabit eum.

ŷ. Nihil proficiet inimicus in eo, et filius iniquitatis non nocebit ei. Alleluia, alleluia.

ŷ. Hic est sacerdos, quem coronavit Dominus. Alleluia.

Temp. Pasch. Alleluia, alleluia.

Ps. 88. Confitebuntur coeli mirabilia tua, Domine: etenim veritatem tuam in Ecclesia sanctorum. Alleluia.

ŷ. *Ps. 20.* Posuisti, Domine, super caput eius coronam de lapide pretioso. Alleluia.

Post Septuagesimam, omissis Alleluia, et versu sequenti, dicitur:

Tractus. Ps. 20. Desiderium animae eius tribuisti ei: et voluntate labiorum eius non fraudasti eum.

ŷ. Quoniam praevenisti eum in benedictionibus dulcedinis.

ŷ. Posuisti in capite eius coronam de lapide pretioso.

✠ *Sequentia sancti Evangelii secundum Iohannem. Ioan. 10.*

In illo tempore: Dixit Iesus Pharisaeis: Ego sum pastor bonus. Bonus pastor animam suam dat pro ovibus suis. Mercenarius autem, et qui non est pastor, cuius non sunt oves propriae, videt lupum venientem, et dimittit oves, et fugit: et lupus rapit, et dispergit oves; mercenarius autem fugit, quia mercenarius est, et non pertinet ad eum de ovibus. Ego sum pastor bonus: et cognosco oves meas, et cognoscunt me meae. Sicut novit me Pater, et ego agnosco Patrem, et animam meam pono pro ovibus meis. Et alias oves habeo, quae non sunt ex hoc ovili, et illas oportet me adducere, et vocem meam audient, et fiet unum ovile et unus pastor.

Offertorium. Ioan. 15. Maiorem charitatem nemo habet, ut animam suam ponat quis pro amicis suis.

Secreta

Clementissime Deus, munera haec tua benedictione perfunde, et nos in fide confirma: quam sanctus Iosaphat Martyr et Pontifex tuus, effuso sanguine, adseruit. Per Dominum.

Communio. Ioan. 10. Ego sum pastor bonus, et cognosco oves meas, et cognoscunt me meae.

Postcommunio

Spiritum, Domine, fortitudinis haec nobis tribuet mensa coelestis, quae sancti Iosaphat Martyris tui atque Pontificis vitam pro Ecclesiae honore iugiter aluit ad victoriam. Per Dominum.

mur coeli mirabi-
li veritatem tuam
m. Alleluia.
si, Domine, super
de lapide predo-

nam, ostensis Alle-
luia, dicitur :
Asiderunt animae
voluntate laborum
eum.
venisti eum in be-
luis.
quie eius coronam

i Evangelii secun-

Joan. 10.
Ixit Iesus Phari-
saeos et bonos. Bo-
sum dat pro ovis
meis autem, et qui
non sunt oves
mei venientem, et
ait : et lupus est.
microdarius agni-
tus est, et me pro-
bat. Ego sum pro-
prio oves meas, et
non. Sicut non me-
ro Patrem, et viro
otibus meis. Et
non sunt et hoc
et me adluere, et
t, et fiet unum ovis.

15. Maren dicitur
ut animam suam
is suis.

16. Maren dicitur
unde, et non in
scelus Iosaphat
nus, effuso sin-
Domini.

10. Ego sum pro-
prio oves meas,
et.

11. Maren dicitur
ortundinis hae
i coelestis, quae
sui atque Iosaphat
honoris in-
Per Dominum.